

ՀՐԱՏԱՐԱՎ. Բ. Հ. ԿՈՒԼՏՈՒՐՆԱԳ ՍՈՅՈՒԹԵԱՆ
ՀՐԱՏԱՐԱՎԶԱԿԱՆ ՄԱՍԸՆԾԻԻՂ — № 36:


ՊԱՏԵՐԱԶՄՈՂ ԹԻՒՐԿԻԱՆ

ԳՐԵՑ

Ա. Վ. Ա. Ն. Շ. Շ. Ն.



Издание Б. А. КУЛЬТУРНАГО СОЮЗА
Секции Издательской, № 36.
ВОЮЮЩАЯ ТУРЦИЯ
Состав. А. Ванцян



Բ. Ա. Վ. ՈՒ

Տպարան Ա. Թառաջեանցի և Յ. Ստեփանեանցի

1914

Բ. Հ. Կուլտուրական Միություն. հասարակարկի
Լ Ո Յ Ս Ե Ն Տ Ե Ս Ե Լ
 ՀԵՏԵԻՆԵԱԼ ԱՇԽԱՏՈՒԹՅՈՒՆՆԵՐԸ

1. «Պատանեկան գրադարան» №№ I—XVII
 Իւրաքանչիւր գիրքը . . . — Բ. 30 4.
 2. Գրանդ Նաւապետի որդիքը — Ժիւլ-Վերնի—
 փառակազմ 2 Բ. 75 Կ. առանց կազմի 1 Բ. 50 .
 3. Անգլուխ ձիաւոր — Մայն-Ռիդի—փա-
 ռակազմ 1 Բ. 75 Կ. առանց կազմի 1 Բ. —
 4. Ուշացած վրէժխնդրու թիւն Կոնան-Դոյլի—50 .
 5. Աֆրիկեան կաշուէ դուլպայ — Կ. Ֆայլ-
 կիմնօրսի . . . —50 .
 6. Христоматія—Ս. Մանդիկեանի . — " 75 .
 7. Դիւան Հայոց պատմութեան—Գիւլս ա.
 Բահ. Աղանեանի . . . — " 4 " —
 8. Բանաստեղծութիւններ—Յ. Յովնանի-
 սեանի (սպառուած) . . . 1 " 50 .
 9. Վէրք Հայաստանի—Խ. Աբովեանի (սպառ) . 50 .
 10. Վիլհելմ Տէլլ—Վ. Օստրոգորսկու . — " 5 .
 11. Յրիւնի—Վ. Օստրոգորսկու . . . — " 5 .
 12. Գործնական շերամապահութիւն—Կ. Մե-
 լիէ Շահնազարեանի . . . — " 5 .
 13. Բամբակի մշակութիւնը—Ն. Տաբակի-
 նովի (թարգմանութիւն) . . . — " 5 .
 14. Մանր վարկի հաստապտութիւնները— " 5 .
 15. Բուսական աշխարհ—Մ. Շահնազ. (սպառ) . 5 .
- ԴՐՈՒԱԳՆԵՐ ՀԱՅՈՑ ՊԱՏՄՈՒԹ. №№ I—XII**
16. Արտաշէս Երկրորդ—Վ. Փափագեանի— " 15 .
 17. Գագիկ Երկրորդ . . . նոյնի . — " 15 .
 18. Վարդանանց պատերազմը նոյնի . — " 30 .
 19. Տրդատ և Գրիգոր Լուսաւորիչ—Մ. Առաք. 15 .
 20. Սահակ և Մեսրոպ—Վ. Փափագեանի— " 15 .
 21. Վահան Մամիկոնեան—Մ. Առաքեղեանի 15 .
 22. Թորոս Իշխան—Վ. Փափագեանի . — " 15 .
 23. Լևոն Երկրորդ . . . նոյնի . — " 15 .

ՀՐԵՏԱՐԵԿ. Բ. Հ. ԿՈՒԼՏՈՒՐԱԿԱՆ ՄԻՈՒԹԵՆ
 ՀՐԵՏԱՐԱԿԶԱԿԱՆ ՄԱՍՆԱՃԻԻՂ — № 36:

9(496)
 Կ-22

աւ

ՊԱՏԵՐԱԶՄՈՂ ԹԻԻՐՔԻԱՆ

Գրեծ

Ա. Վ. Ա. Ն. Յ. Ե. Ա. Ն.

1004
 14871

Издание Б. А. КУЛЬТУРНАГО СОЮЗА
 Секции Издательской, № 36.
ВОЮЮЩАЯ ТУРЦИЯ
 Состав. А. Ванцян

Բ Ա Վ Ո Ւ

Տպարան Ա. Թառայեանցի և Յ. Ստեփանեանցի
 1 9 1 4

Дозволено печатать цензурою

Тип. А. Н. Тараева и О. И. Степанянца, Баку

ՊԱՏԵՐԱԶՄՈՂ ԹԻԻՐՔԻԱՆ

19-րդ դարի սկզբներից ոչինչ թեր-
ևս այնքան պետութիւնների ուշադրու-
թեան առարկայ չի եղել, որքան Արեւե-
լեան հարցը: Մերձաւոր Արեւելքը իւր մըշ-
տական ալեկոծումներով, ներքին անպատ-
մելի գոտութիւնների պատճառով շարու-
նակ միջազգային դիւանագիտութեան, եւ-
րոպական պետութիւնների հետաքրքրու-
թիւնն է բեւեռել իւր վրայ և նրանց հա-
մար նոր ու նոր մտահոգութիւնների, յա-
ճախ նոյնիսկ փոխադարձ ընդհարումների
առիթ ծառայել:

Այս դժբախտ դրութեան պատճառը
միշտ էլ այն պարագան է եղել, որ օսման-
ցիւնների երկիրը՝ Թիւրքիան աւերիչ գոր-
ծունէութիւնից դուրս, քաղաքակրթական

ոչ մի աշխատանք չէր ցուցահանում: Մեր-
ձաւոր Արեւելքի քաղաքականութեան գըլ-
խաւոր առանցքը՝ Ֆաճկաստանը իւր եր-
կարատեւ գոյութեան, զինուորական ու ռազ-
մական զարգացման ընթացքում ընդհա-
նուր մարդկութեան, հպատակ և հարեան
ժողովրդների համար կուլտուրական ար-
ժէքներ չկարողացաւ ստեղծագործել: Մու-
րադ II-ի, Սուլթան Սելիմի, Սուլէյման
II-ի աշխարհակալ թագաւորութիւնների
շրջանը, երբ Թիւրքիան մինչև Վիեննայի
պարիսպների տակ՝ Բալկաններում, Հուն-
գարիայում իւր գերիշխանութիւնն էր
տարածում, այնքան էլ երկարատեւ և հիմ-
նաւոր չեղաւ:

Զուրկ ներքին կենսունակութիւ-
նից, կուլտուրական խաղաղ ստեղծագոր-
ծական աշխատանքից, բարբարոսների եր-
կիրը համարձակ նուաճումների հետ միա-
ժամանակ հպատակ ժողովրդների համար
չկարողացաւ բերել այն, ինչ անհրաժեշտ
է իւրաքանչիւր պետութեան բնական
զարգացման համար: Թիւրքիան իւր ամ-

բողջ պատմութեան ընթացքում անկարող
եղաւ իւր մէջ հիմնաւորապէս զարգացը-
նել պետականութեան զաղափարը: Նա
կարճատեւ նուաճումներից յետոյ, իւր ժո-
ղովուրդի համար դարձաւ մի դժոխային
միջավայր, որտեղ ազգութիւնները յառա-
ջադիմելու փոխարէն անընդհատ հիւժւում,
սպառում էին: Դարերի պատմութեան
մէջ թուրք կատաղի միապետները իրանց
հպատակների բարօրութեան, խաղաղ մար-
դավայել կեանքի մասին հոգ տանելու փո-
խարէն, մտածում էին թէ ինչ եղանակ-
ներով, աւելի արդիւնաւէտ միջոցներով
կեղեքեն նրանց, սեփականացնեն վերջին
խնայողութիւնները: Այս քաղաքականու-
թեան պատճառով մի ժամանակ այնքան
բարեկեցիկ Հայաստանը, Յունաստանը,
Սերբիան և Բուլղարեան աւերուեցին,
կորցնելով իրանց նախկին հմայքը:

Զուրկ ներքին ազգակից, կիսավայրե-
նի և կրօնական մոլեռանդութեամբ կու-
րացած Թիւրքիան պարզ է, որ չէր կարող
կանոնաւորապէս զարգանալ և հպատակ

ժողովուրդների դժգոհութիւնը առաջ չբերել: Այս տեսակէտից 19-րդ դարը օրհասական շրջան է Թիւրքիայի համար: Սերնդէ սերունդ կուտակուած հարիւրաւոր տարիների ցասումը վերջապէս ժայթքում է Թիւրքիայի բազմազան ժողովուրդների մէջ և լուռ, հպատակ ռայաները իրանց բողոքի ձայնն են բարձրացնում աւերակների կոյտերի միջից: Երկրի զանազան մասերում հպատակները ապստամբութեան կոչ են հնչեցնում: Փոքրիկ Յունաստանը երկարատեւ պայքարից յետոյ 1830 թուին ազատուում է մահմեդականութեան ճիրաններից: 1859 թուին Ռումինիան անկախութիւն է ձեռք բերում: Ազատուում է ազատասէր Չերնօզօրիան, ապստամբում է Բօսնիա-Հերցեգովինան: 1878 թուին Թիւրքիայից վերջնականապէս ազատուում են Սերբիան, Բուլղարիան և այլն: Կամաց-կամաց Թիւրքիայից բաժանւում են նոյնպէս փոքր Ասիայի ամփերում գտնուած արդիւնաւէտ կղզիները, Աֆրիկայի հարուստ գաղութները, Եգիպ-

տոսը, վերջապէս մեր ժամանակներում Տրիպօլիսը, յետոյ Մակեդոնեան, Ալբանիան, Էպիրոսը, Կրետէն:

Հիւանդ մարմնի այս չտեսնուած անբնականաբարութիւնը վերջ ի վերջոյ հասնում է այն դրութեան, որ եւրոպական բոլոր պետութիւններն էլ շատապում են Թիւրքիայից համեղ պատառներ պոկել և այդ երկրի այս կամ այն մասում որոշ ազդեցութիւն ունենալ: Թիւրքիան թէպէտ գուրկ սեփական Ֆինանսներից, դրամական կարողութիւնից, արդիւնաբերութիւնից, բայց իւր աշխարհագրական շատ յարմար դիրքերով, բնական հարստութեամբ արժէքաւոր է դառնում եւրոպական պետութիւնների համար ոչ միայն քաղաքականապէս, այլ և տնտեսապէս: Նրա ապագայի հարցով շահագրգռւած են իրանց յայտարարում բոլոր Եւրոպական խոշոր պետութիւնները: Մերձաւոր Արևելքը իւր վրայ է բեւեռում բոլորի ուշադրութիւնը:

Եւրոպական պետութիւնների այս ազ-

դեցուծիւնը Թիւրքիայում սկսւում է Անգլիայից: Անգլիայի ազդեցութիւնը Թիւրքիայում համեմատաբար հին է: Մինչև 90-ական թուականները Անգլիան տիրապետող էր մահմեդական աշխարհում: 80-ական թուականների կիսից արդէն հըրապարակ են գալիս նոյնպէս այլ պետութիւններ: Այստեղ մեզ համար արժէքաւոր է գլխաւորապէս գերմանական ազդեցութիւնը: Ոչ միայն քաղաքական, այլ և յատկապէս տնտեսական հողի վրայ Թիւրքիայում ծայր է առնում սարբեր շահերի հակամարտութիւնը, որ այսօր իւր հերթին պատճառ է դառնում Թիւրքիայի մասնակցութեանը, Եւրոպական պատերազմում:

Իրերի ներկայ դրութիւնը հասկանալու համար եւրոպական պետութիւնների հակամարտ շահերի վերլուծութիւնը մեզ շատ ու շատ նորութիւններ կարող է ասել: Յատկապէս 90-ական թուականներից Անգլիայի և Ֆրանսիայի հետ միասին տնտեսապէս իրան շահագրգռուած է յայտա-

րարում նոյնպէս Գերմանիան: Գերմանիան, որ այդ ժամանակ Անգլիային հարւածում էր բոլոր գաղութներում և նըրա ձեռքից խլում էր մայր ցամաքի շուկաներն անգամ, չէր կարող անտարբեր լինել Թիւրքիայի ճակատագրի նկատմամբ: Բիսմարկի խօսքերը, թէ Գաղութները Գերմանիայի ներկերն են, իզուր չէր ասուած, որովհետև իրօք եւրոպայի մի փոքր տարածութեան վրայ խտացած գերման ժողովուրդի համար գաղութների խընդիրը կեանքի և մահուան հարց էր: Գերմանիան, Անգլիայի խոշոր մըրցակիցը կարճ ժամանակում նուաճեց Կամերունը, Տօգօն, հետագայում Մարշալեան կղզիները, Նոր Գուինէան, ապա Կիաօ-Չիաօն Շանդունում (Չինաստանում), Կալիֆօրնիան, Պալաուսեան կղզիները: Այս պայմաններում Գերմանիայի գաղութային քաղաքականութեան ճանապարհի վրայ ամենից շահաւէտ և Գերմանիայի համար փայլուն ապագայ խոստացող գաղութը Թիւրքիան էր, որտեղ ինչ գնով էլ լինէր,

անհրաժեշտ էր հաստատուել, թիւրքիան համեմատաբար մօտ էր Գերմանիային, բերրի, բնական հարստութիւններով օժտւած, այնպէս որ կարեւոր էր թիւրքիայում անմիջապէս ձեռք բերել տիրապետող ազգեցութիւն: Մանաւանդ, որ թիւրքիայի ազատ վայրերում կարելի էր բնակեցնել գերմանացի գաղթականներ և այդ ձևով նոյնիսկ դէպի Միջերկրական ծովը մուտք ունենալ:

Այս անհրաժեշտութիւնը ի նկատի ունենալով, Գերմանական կայսր Վիլհելմը աստիճանաբար բարեկամական յարաբերութիւններ է սկսում Սուլթան Աբդուլ Համիդի հետ: Միապետների բարեկամական քօղի տակ ճարպկօրէն սկսւում են Գերմանիայի արագընթաց նուաճումները թիւրքիայում: Գերմանիան և նրա հետ Աւստրո-Հունգարիան ուսումնասիրելով թրքական շուկան, կամաց-կամաց Եւրոպական և Ասիական Տաճկաստանը հեղեղում են իրանց գործարանային տնտեսութեան ապրանքներով: Աւելի յաջող

արտահանութեան և ապրանքների կանոնաւոր սպառման համար Գերմանիան նախօրօք ապահովեցրեց իրեն նոյնպէս Բաղդադի երկաթուղու կօնցեսսիայով: Այսօր արդէն իրողութիւն է, որ թիւրքիա ներմուծուող ապրանքների 10⁰/₀-ը մատակարարւում է Գերմանիան:

Սակայն խնդիրն այն էր, որ Գերմանիայի հետ միասին թիւրքիայում աւելնալուծիւններ ունէին նոյնպէս Ֆրանսիան, Ռուսաստանը, Ամերիկան և Իտալիան, որոնք հաշտ աչքով չէին կարող նայել Գերմանիայի տնտեսական նուաճումներին: Ֆրանսիան, որի տնտեսական յաջողութիւնները Տաճկաստանում աւելի ինչ էին քան Գերմանիայինը, նրա վրտանգաւոր մրցումից սարսափած ապահովեցնում է իրեն երկաթուղու նոր կօնցեսսիաների իրաւունքով: Իտալեան իւր բոլոր ձգտումները պսակւում է նրանով, որ Տրիպօլիսն է նուաճում, Բալկանեան պետութիւնները՝ Յունաստանը, Սերբիան, Բուլղարիան և Չերնօգորիան Եւրոպական

Թիւրքիան բաժան-բաժան են անում և այլն:

Ինչ վերաբերում է Ռուսաստանին, նրա քաղաքական շահախնդրութեան շուրջը տարբեր կարծիքներ չեն կարող լինել, որովհետեւ հարիւրաւոր տարիների ընթացքում ոչ մի պետութիւն Թիւրքիայի հետ այնքան պատերազմներ չի վարել, որքան Ռուսաստանը: Հակառակ քաղաքական արժէքի կարեւորութեան, տնտեսապէս Տաճկաստանը միայն վերջին տարիներս է Ռուսաստանի ուշադրութեան առարկայ դառնում: Միայն ռուս-եապօնական դժբախտ պատերազմից յետոյ Ռուսաստանը խորապէս զգաց տնտեսական նուաճումների անհրաժեշտութիւնը և այդ ուղղութեամբ սկսեց օտար շուկաներում որոշ աշխատանք կատարել: Մասնաւորապէս Մերձաւոր Արեւելքի շուկան Ռուսաստանի աչքում առանձին զին էր ստանում, որովհետեւ նա սահմանակից էր Կովկասին: Մինչ այդ անտարբեր, բաւական անշարժ ռուս դրամագլուխը մտաւ Տաճկաստան և

սահմանակից վայրերում առևտրական գործակալներին միջոցով յաջողութիւններ ունեցաւ: Մասնաւորապէս տաճկահայկական շրջաններում, վեց վիլայէթները (Վան, Էրզրում, Տրապիզոն, Բիթլիս, Սըվազ, Դիարբեքիր) աստիճանաբար առևտրական սերտ յարաբերութիւնների մէջ մտան Ռուսաստանի և զլխաւորապէս Կովկասի հետ: Ռուսաստանը, որ մինչ այդ Տաճկաստան ապրանք ներմուծում էր ոչ աւել քան 5 միլիօն ռուբլու, 1910, 1911, 1912 թուակ. սկսում է արգէն տարեկան 25—27 միլիօն ռուբլու ապրանք ներմուծել Տաճկաստան: Անգլիայի, Ֆրանսիայի, Գերմանիայի և Աւստրո-Հունգարիայի հետ միասին Ռուսաստանը որոշ տեղ է գրաւում Թիւրքիա ներմուծուող ապրանքների գործում:

Այսօր Ռուսաստանը Տաճկաստանի շուկաներում վաճառում է շաքար, մանուֆակտուրային ապրանքներ, նաւթ, երկրագործական պիտոյքներ, սպիրտ և այլն: Մասնաւորապէս նաւթ, սպիրտ, շաքար

մեծ չափով է արտահանում, որովհետև ուսու կառավարութիւնը արդիւնաբերութեան այդ ճիւղերի համար առանձին յարմարութիւններ է ստեղծում: Երկաթուղու էփան ճանապարհաժախսը, կառավարութեան ակցիզի նուէրները նպաստում են արտաքին արդիւնաբերութեան զարգացման: Շնորհիւ ուսու կառավարութեան աջակցութեան, ուսուական շաքարը Մերձաւոր Արեւելքի շուկաներում աւելի է ժան է ծախուում, քան ներքին շուկայում: Այսօր իրողութիւն է, որ ուսու կառավարութիւնը անտեսապէս շահագրգռուած է Տաճկաստանի և Ռուսաստանի սերտ յարաբերութիւնների խնդրում: Այս յարաբերութիւնների կարևորութիւնը մեզ համար աւելի է պարզւում, եթէ ի նկատի ունենանք այն հանգամանքը, որ Ռուսաստանի տրտաքին առևտուրը սպասելիքներ ունի գլխաւորապէս Հեռաւոր և Մերձաւոր Արեւելքի շուկաներից, որովհետև եւրոպական քաղաքակիրթ երկրների շուկաները ուսու

արդիւնաբերութեան համար մեծ չափով անմատչելի են:

Այսպիսով մենք տեսնում ենք, որ Տաճկաստանում անտեսապէս, ուրեմն և քաղաքականապէս շահագրգռուած են եւրոպական բոլոր խոշոր պետութիւնները: Թիւրքիայում խիստ կերպով բաղխւում են այդ պետութիւնների հակամարտ շահերը: Թիւրքիան ապրում է մի ժամանակամիջոցում, երբ ամեն կողմից պետութիւնները լարուած սպասում են հիւանդ մարմնի անդամահատութեան ժամին: Բոլորն էլ իրանց պահանջները, ակնկալութիւններն են հրապարակ հանում:

Այս ծանր պարագայում պարզ է, որ դժբախտ երկիրը վերահաս վտանգից փրկելու համար Թիւրք պետական գործիչների համար մի միջոց է մնում: Մնում է միայն խաղաղ կուլտուրական աշխատանքը, ներքին վերածնութիւնը: Ներկայ պատմական վարկեանը ամենից յարմարն էր ազատուելու եւրոպական պետութիւնների շահադիտական ձգտումներից, պէս-

պէս եղանակներով հրապարակ եկող հովանաւորութիւնից: Այդ մեծ աշխատանքը գլուխ բերելու համար թիւրք պետական գործիչները միայն պիտի մտածէին քայքայուած, յետամնաց երկրի տնտեսական, արդիւնաբերական ոյժերի զարգացման, կրթական գործի կանոնաւորման, ազգային հարցի լուծման և ընդհանրապէս աւերուած պետութեան իրաւական ու տնտեսական վիճակի բարւոքման մասին: Ներկայումս այս ուղղութեամբ զարգացող խելահաս գործունէութիւնը միայն կարող կլինէր թիւրքիային ազատել օտար պետութիւնների ակսորժակներից և ընդհանրապէս ստեղծուած տագնապալից կացութիւնից:

Սակայն դժբախտութիւնն այն էր, որ թիւրքիայի արեւածախնդիր ղեկավարները թողած գործունէութեան միակ բանական ուղին, իրանց ողորմելիութեամբ, կաշառուած գերմանական ոսկիներէից, ապարէզ նետուեցին և կռուի դաշտ կանչեցին Ռուսաստանին, Անգլիային և Ֆրան-

սիային, որոնց սուերից անգամ առաջներում սարսափում էր Տաճկաստանը: Թիւրք խեղճ ու կրակ ժողովուրդը այսօր իւր ապիկար ղեկավարների պատճառով զրկում է պատմական վերջին ժառանգութիւնից և որպէս քաղաքական միութիւն՝ քարտէզից թերեւ իսպառ վերանում:

Այսօրուայ պատերազմում եթէ թիւրքիան մասնակցութիւն ունի հակառակ ժողովուրդի կամքի, ապա այդ պէտք է բացատրել միմիայն նրանով, որ պետութեան գլուխ են կանգնած երիտասարդ թիւրքերը: Այդ կուսակցութեան ներկայացուցիչները աւելի շատ գերմանական գործակալներ են, քան թիւրքիայի բարօրութեանը նախանձախնդիր պետական գործիչներ: Գերմանական ազդեցութիւնը, որ թիւրքիայում վաղուց էր սկսած, երիտասարդ թիւրքերի տիրապետութեան շրջանում իւր զագաթնակէտին հասաւ: Երիտասարդ թիւրքերի տիրապետութիւնը Տաճկաստանում սկսւում է 1908 թուի յեղափոխութիւնից: Կարմիր Սուլթանի դա-

100-1

ժան ուեժիմը փոխարինող երիտասարդ թիւրքերի կառավարութիւնն ևս իւր հետ ոչինչ չբերեց նահատակ հպատակների համար:

Տարիների ընթացքում երիտասարդ թիւրքերը անկարող եղան իրենց միջից դուրս բերել լուրջ, պետութեան շահերն ըմբռնող քաղաքագէտներ, որոնք երկիրը անցեալի թալանից, աւերակներից հանէին և զնէին կուլտուրական ճանապարհի վերայ: Դժբախտաբար պետութեան գլուխն անցան այնպիսի բախտախնդիրներ, որոնք մոռանալով քայքայուած ժողովուրդի, հասարակութեան շահերը, օրէնք և արդարութիւն մոլորող թիւրքիայի համար մի ողբերգական զրութիւն ստեղծեցին, որից յաջողութեամբ դուրս պրծնելն անհնարին էր: Այս իսկ պատճառով երիտասարդ թիւրքերի կառավարութեան ժամանակ թիւրքիան ընկնում է Գերմանիայի կատարեալ ազդեցութեան տակ. Բոսֆորի ափերում տարածւում է Գերմանիայի հովանաւորութիւնը: Տաճկաստանը սկսում են կառավարել գերմանացի պաշտօնեաները: Այս պայ-

մաններում Գերմանական Կայսրը իրաւունք ունէր յայտարարել իրեն մահմեդականութեան հովանաւոր: Վիլհելմը ըսկըզբում Հօլց փաշային, ապա գեներալ Սանդերսին թիւրքիա է ուղարկում, որոնք իրենց ձեռքում կենտրոնացնելով թիւրքիայի ռազմական ոյժը, էապէս իրանց են ենթարկում ամբողջ պետութիւնը:

Երիտասարդ թիւրքիայի ներկայացուցիչները՝ Էնվէր փաշայի, Թալաթ բէյի և գերմանացի Սանդերսի, Վադենհէյմի, ծովապետ Սուշօնի բարեկամութեան ու գաղտնի դաւադրութիւնների հետեանքը թիւրք խեղճ ու կրակ ժողովուրդի համար լինում է այն, որ մի օր Տաճկաստանը, հակառակ հպատակների և պետական գործիչների՝ մեծամտանութեան կամքի, պատերազմ է սկսում Ռուսաստանի, Ֆրանսիայի և Անգլիայի հետ:

Որովհետեւ հիւժուած թիւրք ժողովուրդը դէմ էր այդ պատերազմին, ուստի Գերմանիան ոչ մի միջոցի առաջ էնդ չառաւ թիւրքիայում պատերազմա-

կան տրամադրութիւն ստեղծելու համար: Մասնաւորապէս գերմանական ոսկիները թիւրք պաշտօնեաների համար անչափ գրաւիչ էին հայրենիքի պատուի հետ համեմատած:

Թիւրքիայի և Նորեակ Համաձայնութեան պատկանող պետութիւնների յարաբերութիւնների լարումը սկսում է նրանից, որ երիտասարդ. թիւրքերը դեռ Ներոպական պատերազմի սկզբներում, Գերմանիայի զրգմամբ լուրջ խոչնդոտներ են առջ բերում թիւրքիայում ապրող Նորեակ Համաձայնութեան պատկանող պետութիւնների հպատակների և պաշտօնական անձնաւորութիւնների նրկատմամբ: Պաշտօնական թիւրքիան Ռուսաստանին, Անգլիային և Ֆրանսիային զրգուելու համար ամենից առաջ վերացնում է այն յատուկ արտօնութիւնները, որ Տաճկաստանում ունէին մեծ պետութիւնները (կապիտուլացիաները): Այդ արտօնութիւնների շնորհիւ եւրոպական պետութիւնները թիւրքիայում ունէին ինքնա-

վար իրաւունքներ: Այս իրաւունքների հիման վրայ օտարահպատակները թիւրքիայում ենթարկւում էին իրենց դեսպաններին, այդ դեսպաններից միայն դատւում, պատասխանատւութեան կանչւում այն: Թիւրքիան զրչի մի հարուածով ոչնչացրեց օտարահպատակների այդ իրաւունքները:

Սակայն երբ Գերմանիան տեսաւ որ կապիտուլացիաների վերացումն ևս առանձին յուզմունք առաջ չբերեց քաղաքակիրթ երկրներում, այն ժամանակ նա զրգեց Նրիտասարդ թիւրքերին փակել Դարդանելը և այդ ձևով մի այնպիսի հարուած տալ Ռուսաստանի տնտեսութեանը, որ նա իւր կենսական շահերի ոտնահարումից ստիպուած թիւրքիային պատերազմ յայտարարի: Սեպտեմբերի վերջերին Տաճկաստանը փակուած է յայտարարում Դարդանելը:

Իրօք Դարդանելի փակումը մեծ հարուած էր ուղև արդիւնաբերութեան համար: Բաւական է ասել, որ ուղևական

արտահանութեան 50⁰/₀-ը կատարուում է Դարդանեղի նեղուցով: Չնայած այս հանգամանքին, Դարդանեղի փակումն էլ այն հետեանքները չունեցաւ, ինչ սպասում էր Գերմանիան: Ռուսաստանը Դաշնակիցների հետ միասին բաւականացաւ միայն նրանով, որ պաշտօնապէս դիմումն արաւ թիւրք կառավարութեանը բանալ Դարդանեղ: Եւրոպական մեծ պատերազմը ստիպում էր դաշնակից պետութիւններին խոհեմութեամբ արհամարել թիւրքիայի զորքոյիչ քայլերը և սպասել, որ թերեւս իրանք թիւրքերը զգաստութեան գան:

Սակայն երբեակ Համաձայնութեան պատկանող պետութիւնների սառն վերաբերմունքը միամիտ թիւրքիայի կողմից ընդունուեց իբրեւ երկչոտութեան նշան: Թիւրքիայի կարճամիտ առաջնորդներն սկսեցին աւելի անպատկառանալ: Սեպտեմբերի 28-ից թիւրքերը թոյլ տուին պատերազմական յարձակումներ կատարել ռուս-պարսկական սահմանի վրայ, Ատրըպատականի շրջանում, որ ռուսական զոր-

քըն էր պահպանում քրդական շարժումներից: սահամանագլխի այս քրդական շարժումներից, Ուրմիայի պաշարումից յետոյ, հոկտեմբերի 16-ին միանգամայն անսպասելի կերպով, էնվէր փաշայի և գերմանացիների գաղտնի ծրագրի համեմատ թիւրքական պատերազմական նաւերը ռմբակոծեցին ռուսական ծովափնեայ քաղաքներից Օդեսսան, Թէոդոսեան, Նովորոսիյսկը: Այս աւագակային յարձակումից յետոյ, անշուշտ մեծ Ռուսաստանը անտարբեր չէր կարող մնալ: Ռուս արտաքին գործերի նախարար Սազանովի կարգադրութեամբ Կոստանդինուպոլսի ռուսական դեսպան Գիրսը ստիպուած էր թողնել Բոսֆորի ափերը: Հոկտեմբերի 20-ին Ռուսաստանը պաշտօնապէս պատերազմ յայտարարեց Տաճկաստանին:

Կայսերական հրովարտակը ի միջի այլոց հպատակներին յայտարարում էր:

«Մինչև օրս անյաջող կերպով կըռւելով Ռուսաստանի դէմ, Գերմանիան և Աւստրո-Հունգարիան ձգտում էին բաղմա-

ցնել իրենց ոյժերը, դրա համար էլ դիմեցին Օսմանեան կառավարութեանը և նրան շլացնելով՝ մղեցին մեր դէմ պատերազմելու: Գերմանացիները ղեկավարութեամբ Թիւրքական նաւատորմիղը համարձակուեց նենգամտութեամբ յարձակուել մեր Սև Ծով-եան ափերի վրայ, որից յետոյ մենք անմիջապէս հրամայեցինք Պօլսի ռուսական դեսպանին՝ հիւպատոսարանները բոլոր պաշտօնեաների հետ թողնել Թիւրքայի սահմանները»:

Յարսկոյէ Սելոյում գրուած այդ պատմական Հրովարտակը վերջանում է հետեւեալ խօսքերով.

«Ամբողջ ռուս ժողովրդի հետ մենք անյողդողդ հաւատում ենք, որ Թիւրքիան ներկայումս անմտօրէն խառնուելով այս պատերազմին, միայն արագացնում է իւր համար ճակատագրական պատահարների ընթացքը և բաց է անում Ռուսաստանի ճանապարհը, Սև Ծովի ափերում իրագործելու իր պապերի աւանդած պատմական նպատակները»:

Կայսերական Հրովարտակի վերջին խօսքերը արդէն պարզ ու որոշ կերպով ցոյց են տալիս այն ձգտումները, որ Ռուսաստանը իրագործելու է Տաճկաստանի պարտութիւնից յետոյ:

Այսօր, երբ պատերազմը արդէն իրողութիւն է, երբ ռուսական և թրքական բանակները ինչպէս Օլթիի նոյնպէս և էրզրումի ճանապարհի վրայ իրար են բաղխուում, մեզ համար նշանակութիւն ունի այն պարագան, թէ ի՞նչ է սպասում Թիւրքիային այս պատերազմից յետոյ:

Կասկած չկայ՝ որ այս պատերազմը ամենից առաջ իսպառ քայքայելու է Թիւրքիային, և նրա քաղաքական նշանակութիւնը կորցնելու:

Թիւրքիան անկարող է քիչ շատ կանոնաւոր կերպով պատերազմ մղել, որովհետև առանց ներքին տնտեսական ապահովութեան չի կարելի զօրաժողով անել, զօրք հաւաքել, բանակներ շարժել: Ոչինչ այնքան գումարներ և հսկայական զոհաբերութիւններ չի պահանջում, որքան պա-

տերազմը: Պատերազմի դաշտ համարձակութեամբ դուրս գալու և յաջողութեան որոշ զրաւականներ ունենալու համար ամենից առաջ անհրաժեշտ են զրամական միջոցներ:

Մինչդեռ հէնց այդ տեսակէտից մօտենալով ժամանակակից Թիւրքիային, մենք տեսնում ենք, որ նա իրօք միանգամայն խեղճ վիճակի մէջ է: Այսօրուայ Թիւրքիան տնտեսապէս այնքան հիւժւած է, որ յիշաւի զարմանալի է, որ նա համարձակութիւն ունի պատերազմի դուրս գալու և իւր գոյութեան հարցը հրապարակում գնելու: Անշուշտ Գերմանիան զրամական ինչպիսի խոստումներ էլ անի, Տաճկաստանին չի կարող փրկել վերահաս տագնապալից կացութիւնից և տնտեսական այն քայքայումից, որ անխուսափելի է Օսմանեան աշխարհի համար: Թիւրքիայում անընդհատ կրկնուող փոխառութիւնները նոյնիսկ աւելի են զարկ տալիս ծայր առած ճգնաժամին: Բաւական է ասել, որ Թիւրքիայի բնակչութիւնը Փոքր-Ասիա-

յում՝ Տաճկաստանի ամենակարևոր մասում աստիճանաբար պակսում է, ժողովուրդը մի միլիօնի չափ քչացել է արդիւբերութիւնը կանգ առել:

Մի փոքրիկ ակնարկ ձգելով ներկա-Թիւրքիայի վրայ, մենք տեսնում ենք, որ այդ երկիրը դեռ նահապետական տնտեսութեան յետամնաց շրջանն է ապրում: Հոգն է, որ 20 միլիօն բնակչութեանը կերակրում է: Սակայն կառավարութեան անփութութեան պատճառով գիւղական տնտեսութիւնը ևս Տաճկաստանում աւելի յետ են գնում: Հոգը կորցնում է իւր նախկին արժէքը և նոր արդիւնաբերական ձևերով չի փոխարինւում: Ներկայումս Թիւրքիայի բնակչութիւնը իւր չարքաշ գոյութիւնը պահպանում է ցորենի, ծխախոտի գարու և եգիպտացորենի արտահանութեամբ: Ընդհանուր թուերով Թիւրքիայում ապրանքների ներմուծումը տարեկան հասնում է 268 միլիօն բուլբուլ, իսկ արտահանութիւնը 167 միլիօնի: Արդէն այս թուերը մեզ ցոյց են տալիս, որ Թիւր-

քիայի առևտուրը չափազանց աննպաստ պայմանների մէջ է։ Նա աւելի է ներմուծում, և իր երկրից աւելի շատ դրամ դուրս տանում, քան թէ ստանում է։ Սըրան աւելացրէք այն հանգամանքը, որ Թիւրքիան ունի ողորմելի պետական բիւջէ, ոչ աւել 150 միլիօն ռուբլուց, իսկ պարոքը 1 միլիարդ ու կէս ռուբլի։

Թիւրքական աղքատիկ բիւջէի ամենախոշոր մասը, գործադրուում է եւրոպական պարտքերի տոկոսների վճարումների վրայ։

Թիւրքիայի տնտեսութեան հիւանդոտ կողմն այն է, որ նա հնարաւորութիւն չունի ներքին կենսունակ, յամառ աշխատանքի ընդունակ ոյժեր ստեղծելու և ամբողջապէս կուլ է գնալու եւրոպական կապիտալին։ Այս պայմաններում երկրի դեկավարները փոխանակ կուլտուրական աշխատանքների մասին մտածելու, իրենց սիստէմատիկ կորստաբեր գործունէութեամբ պետութեան մէջ եղած քիչ շատ կենսունակ տարրերի զարգացման առա-

ջըն էլ առնում են։ Օրինակ Հայ տարրը, որ տնտեսական կեանքում խոշոր դեր է կատարում, արդիւնաբերական աշխարհին զգալի չափով ուղղութիւն տալիս, տաճկական կառավարութեան կողմից ոչ մի աջակցութիւն չի տեսնում։ Պետութիւնը իր խեղճ գոյութիւնը քարշ է տալիս միջնադարեան պետութիւնների նման և ապրում է սրանից, նրանից խելով, պարտքեր անելով, թագաւորական հողերը, կալաւածները վաճառքի հանելով։ Դեռ պատերազմից առաջ Թիւրքիայում հպատակ ժողովուրդները հեծում էին հարկերի ծանր բեռի տակ։ Գիւղական ժողովուրդը իւր ամբողջ կեանքում անվերջ տալիս է, իւր խնայողութիւնները հրապարակ հանում, բայց դրա փոխարէն կառավարութիւնից ոչինչ չի ստանում։ Թիւրքիայում ճանապարհներ չկան, երկաթուղիներ չըկան։

Այսպիսի աննախանձելի դրութեամբ Թիւրքիան պատերազմ սկսեց։ Բնական է, որ նրան միայն մի միջոց էր մնում, որ և

այժմ գործադրում է: Արդէն յայտնի է, որ Թիւրք կառավարութիւնը սեփականացնում է բոլոր խաղաղ քաղաքացիներին, յոյն, հայ վաճառականներին, արդիւնաբերողներին կարողութիւնը: Կառավարութիւնը յափշտակում է արդիւնաբերողների պահեստներում գտնուած շաքարը, նաւթը, շորեղէնը, կաշուեղէնը և այդ բոլորի դիմաց ոչ մի վարձատրութիւն չի տալիս:

Անկախ այս հանգամանքից, միւս կողմից Թիւրքիայում ներքին երկպառակութիւնը ծայրահեղ չափերի է հասնում, և նեղ կուսակցական անհամաձայնութիւնը նոր աղէտների դուռ բաց անում: Պատերազմը մինչև այսօր ժողովուրդի համակրութիւնը չի վայելում: Երիտասարդ Թուրքերի հակառակորդ իթտիլաֆ կուսակցութիւնը հեշտութեամբ չի կարող մոռանալ 1913 թուի յեղափոխութեան զոհերին: Հանգուցեալ Քեամիլ փաշայի կողմնակիցները յարմար բոլէ են որոնում նոր յեղափոխութիւն ստեղծելու:

Այս դրութեան մէջ, երբ ներքին անհամաձայնութիւնը մեծ է և ժողովրդի մէջ բացակայում է ազնիւ ոգևորութիւնը, Թիւրքիան սպասելիքներ չի կարող ունենա պատերազմից. պարզ է, որ Թիւրքիայի նուաճումները Պարսկաստանում, կամ ժամանակաւոր մանր յաջողութիւնները ապագայի տեսակէտից արժէք չեն կարող ունենալ: Տուժողը միայն դժբախտ գաղթող ժողովուրդն է:

Վերջացնելով մեր ասելիքը, գալիս ենք այն եզրակացութեան, որ Գերմանիայի բարեկամութիւնը Թիւրքիային չափազանց թանգ է նստելու: Նա արջի ծառայութիւնից ոչինչ չի շահելու, բացի մեծամեծ կորուստներից:

Արդէն այսքանը պարզ է, որ Թիւրքիան այլ ևս անկարող է վերակենդանանալ: Տանջանքների մէջ տառապող հիւանդ մարմինը վերջապէս դիակնաւում է և այդպիսով Թերևս իւր յաւիտենական հանգիստը գտնելու:

Պատերազմից յետոյ, եթէ Թիւրքիան

բոլորովին էլ չվերանայ, այնուամենայնիւ
նա իւր ներկայ քաղաքական արժէքը բո-
լորովին կորցնելու է և փոքր Ասիայում
դառնալու է մի երկրորդական պետութիւն:
Թիւրքիայից անխուսափելի կերպով ան-
շատուելու են բոլոր տարրերը, որոնք մին-
չև այսօր այդ դժբախտ երկրում իրանց
հարազատ չեն զգացել: Միայն Թիւրքիայի
լաժանուժը այդ երկրումն ապրող ժողո-
վուրդներին խաղաղութիւն կը բերի:

24. Մամբրեանեան իշխաններ Մուշից և Մա-
նուէլ Ս. Բ. Ղազարեանի . — ո. 30 4.
25. Հայկազանց թագաւորներ Ի. Տէր-Ղազար. 15 "
26. Միքայէլ Նալբանդեանի տնտեսական
թէօրիան—Եր. Պալեանի . — " 25 "
27. Անասնապահութիւն—Ի. Բ. Լիւբովուդ-
բովի (Թարգմ.) Մասն I—Ընտ. կենդան.
խնամքը և հիւանդութ. պաշտ. միջոցն. 30 "
28. Անասնապահութիւն—Գոյնի. Մասն II և
III—Ընտանի կենդանիների վարակիչ և
ոչ-վարակիչ հիւանդութիւնների մասին 50 "
29. Ի՞նչ տիպի ստորին և միջնակարգ զըպ-
րոցների կարիք ունի ներկայումս Ան-
զըկովկասը—Կ. Յ. Խախտեանի . — " 15 "
30. Голодъ — Ս. Զաւարեանի . — " 30 "
31. Կանոնադիր շտեմարան գանձարանի—Գոյնի 2 "
32. Վարկատու ընկերութեան կանոնադրու-
թիւն (փոխադրութիւն) . — " 30 "
33. Հացահատիկների մարգային կուլտու-
րան—Գ. Ղարաբեօգեանի . — " 5 "
34. Ի՞նչ բան է գէմստովօն—Ի. Բելեկօնսկու
(Թարգմանութիւն) . — " 5 "
35. Սայեսթ-Նովա—կենսադրութիւնը և եր-
զերի ընտիր ժողովածուն . — " 5 "
36. Պատերազմող Թիւրքիան . — " 5 "
37. Ինձ մի խնդրիր—բժմանս խօսք Յ. Թու-
մանեանի, ներդաշնակութ. Ա. Մալիլեանի 40 "
38. Ոգի Հայաստանի—գունատիպ նկար— " 50 "
39. Արտաշէսի յուղարկաւորութի
նատիպ նկար
40. Կովկասի քարտէզ (20 վերստ
ազգաբնակ. խտութիւնը Կովկ
Պանեւսը գտնուում է Միուրեան Գ
Հասցէն՝ Баку, Армян. Купцы

Հայաստանի Ազգային գրադարան



NL0422809

17851

ԳԻՆՆ Է 5 ԿՈՊ.